

ILLVSTRISSIMO AT-
QUE EXCELLENTISSIMO PRIN-

CIPI AC DOMINO, DOMINO GVILHELMO VRSINO,
Domus Rotenbergicæ Governatori &c. aurei velleris equiti sacræ-
que Cæsareæ Maiestatis Consiliario intimo, atq; regni
Boemiæ Proregi &c. Domino mihi
semper colendissimo.



COMPOSITIS diverso tempore diversisq; occasionibus quorundam huius Regni atq; aula Cæsareæ procerum elogiis, aliis quoq; nonnullis opusculis meis, ut justi voluminis instar essent, adjunctis, non diu sane cogitandum mihi fuit, cui illud potissimum dedicarem, siquidem Excellentia vestra illustrissima inter eos, quorum hic nomina celebrantur, eo plane quo par est, primo nimirum ac principe loco mihi occurrit, quemq; reliqui omnes merito venerentur, atq; ipsa vicissim eosdem vel cognationis, agnationis aut affinitatis, vel certè clientela jure amanter admodum benigneq; complectatur. Confirmavit verò etiam animum in ea re meum, quod postquam semel atque iterum in eiusdem præsentia Musico choro regendo operam dedissem, ex vultus serenitate Excellentia vestra illustrissima singularem quandam erga me affectus benignitatem deprehenderim. Licet igitur munus hoc illustrissimæ Excellentia vestra amplitudine indignum videri possit, tamen cum magnanimitatis esse sciam etiam humilia non aspernari, idcirco ab ea mente divelli me haudquaquam passus, illud quaecumq; est Excellentia vestra illustrissima quam humilime offero atq; consecro, enixè rogans, ut illud non modo hilari fronte accipere, sed me ipsum quoq; in suorum clientum numerum suscipere, atq; hoc ipso liberalitatis & magnificentia sue argumentum aliquod ostendere dignetur, quo factò ut nihil illius gloria decedat, ita meo honori accedat sane plurimum. Deus Opt: Max: illustrissimam Excellentiam vestram tam Musis quàm Clientibus suis quàm diutissime servet incolumem. Datum Praga, Mense Septemb: anno 1589.

Illustrissimæ Excellentia vestra

deditissimus servus

Camillus Zanottus.

2 2

2